

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0067448 26  
Zenica, 11.06.2026. godine

**OPĆINSKI SUD U TEŠNJU**  
- Sudiji za prethodno saslušanje –  
**TEŠANJ**

Na osnovu člana 45 stav 2 tačka i) u vezi sa članom 241 stav 1 Zakona o krivičnom postupku F BiH, p o d i ž e m o

### **O P T U Ź N I C U**

Protiv:

**D. M., ...,**

što je:

dana 09.01.2026. godine, oko 00,30 sati, na području općine Doboj Jug, dok je upravljao putničkim vozilom marke „...“, reg. broj ..., krećući se magistralnim putem M-17 iz pravca Zenice prema Doboju, vozio neoprezno i nedovoljno pažljivo, jer u uslovima smanjene vidljivosti zbog mraka i izmaglice, umjesto da svu svoju pažnju usmjeri ka nadolazećoj raskrsnici s kružnim tokom u mjestu ..., tu pažnju uglavnom bio usmjerio na razgovor kojeg je u tom momentu bio vodio sa svojim suvozačem D. A., pri čemu nije bio svjestan da zbog tog svog propusta može ugroziti javni promet, iako je kao vozač, u takvim saobraćajnim okolnostima, toga mogao i bio dužan biti svjestan, pa postupajući suprotno odredbama člana 33 stav 1 Zakona o osnovama bezbjednosti saobraćaja na putevima u BiH, vozeći tako, po ulasku u navedenu raskrsnicu, umjesto da skrene u desnu stranu i prati putanju kolovoza u kružnom toku, nastavio se pravolinijski kretati preko snijegom prekrivene zelene površine u sredini kružnog toka (rondo), gdje je prednjom stranom vozila snažno udario u metalni žuti fluorescentni pano dimenzija 2x3 metra koji je bio postavljen u navedenom rondou kada se vozilo naglo bilo zaustavilo, ugrozivši na taj način sigurnost javnog prometa, usljed kojeg udara je njegov suvozač D. A. zadobio tešku tjelesnu ozljedu u vidu preloma desne nadlaktične kosti, dok je na navedenom panou nastupila materijalna šteta,

čime je učinio krivično djelo Teška krivična djela protiv sigurnosti javnog prometa iz člana 336 stav 3 u vezi člana 332 stav 3 u vezi stava 1 KZ F BiH.